

আমার জগতেরও আর বেশী দিন নাই। শূন্যপ্রাণে খালি হাতে কোন্ অলঙ্কার
ছুটিলাম, কোন্ অনন্তে মিশিতে চলিলাম। কেনই বা বাল্যবন্ধু পবিত্রতা ও
নির্মলতাকে আমার জগতে চিরবসতি স্থাপন করিতে দিলাম না? কেনই
বা লোভকে মজ্জী করিলাম, কেনই বা হিংসা ঘেঁষ ক্রোধ ও মোহকে আমার
জগতের প্রেম ও শান্তি অপহরণ করিতে ডাকিলাম? তাহারা আমার সমুচিত
ফল দিয়াছে, আমার সর্বস্ব হরণ করিয়া চলিয়া গিয়াছে, আজ আমার
ভাঙারে কপর্দকও নাই যে আমার পারের কড়ি হইবে। আজ শূন্য হাতে
শূন্য প্রাণে আমার জগৎ শেষ করিয়া অমর-জগতে চলিলাম, জানি না তথার
আমার স্থান হইবে কি না।

কাজী আবদুল মালেক,
চতুর্থ বার্ষিক শ্রেণী, 'বি' শাখা।

প্রজার দান।

ধন্য আমরা ধন্য বাঙ্গালী ধন্য মোদের বাঙলা দেশ।
ছুটিল যাহার সন্তান শত মুছাতে ভাইএর সমর-ক্লেশ।
দেশের দুয়ারে শত্রু দাঁড়ারে আর কি ঘুমায় বাঙ্গালী বীর।
জেগেছে তা'রা মেতেছে রণে গর্বে তুলিয়া উচ্চ শির।
দেশের জন্ত দেশের তরে গড়েছিল বিধি তা'দের প্রাণ।
তুচ্ছ করিতে মৃত্যু তাহারা—রাখিতে মস্তে রাজার মান।

রক্ত কালের বিকট হাসি চূর্ণ যাদের চরণ-যায়।
বজ্র যাদের বিজয়-ভেরী, বিদ্রোহ ছিল অসির গায়।
রক্তে যাদের শক্তি ছুটিয়া তুলেছে গিরি ভেঙ্গেছে বাঁধ।
সেই বাঙ্গালীর শত যুগ পরে জেগেছে আজ সমর-সাধ।
দেশের জন্ত দেশের তরে গড়েছিল বিধি তা'দের প্রাণ।
তুচ্ছ করিতে মৃত্যু তাহারা—রাখিতে মস্তে রাজার মান।

দর্পভরে ধরেছে তা'রা কোমল করে কঠিন অসি ।
 রুধির-নীরে ধোত করিতে যুগের ঘন কালিমা-মসী ॥
 দেখে বিশ্ব দেখে চেয়ে শুন্বে তোরা পাতিয়া কাণ ।
 মরেনি বাঙ্গালী মরেনি তা'রা পেয়েছে ফিরে পুরাণ প্রাণ ॥
 দেশের জন্ত দেশের তরে গড়েছিল বিধি তা'দের প্রাণ ।
 তুচ্ছ করিতে মৃত্যু তাহারা—রাখিতে যন্তে রাজার মান ॥

জগৎ-মাবে প্রমাণ হোক 'প্রতাপ' ছিল মোদের ভাই ।
 মোদের ছিল সোণার ঘণোর কোথাও ঘাহার তুলনা নাই ॥
 আমরাও সেই তাদের জাতি আমাদের সেই বঙ্গ-দেশ ।
 স্মৃতি যদিও সকলি মোদের নাহিক তাহার গরিমা-লেশ ॥
 শত্রু-হৃদয়-পিও ছিঁড়িতে কাপেনা তাই বাঙ্গালী-প্রাণ—
 ব্রিটিশ-রাজের চরণ-তলে আর কি প্রজার শ্রেষ্ঠ দান ?

শ্রীমতীশচন্দ্র সরকার,
 তৃতীয় বার্ষিক শ্রেণী ।

সমর-আহ্বান ।

করে আহ্বান নরপতি আজি করিতে সমর-সাজ
 বাজুক অস্ত্র নাচুক রক্ত মোদের ধমনী-মাঝ ।
 অতীত কীর্তি করিয়া স্মরণ, আধা-গরিমা করিতে বরণ,
 তুচ্ছ করিয়া চলে' এস আজ নাইক মরণে লাজ
 স্বর্গ-তোরণ যুক্ত করিতে দেশের করিতে কাজ ।

অরাতি-প্রাবন অন্তর্বিগ্রহে ভারত মণ্ডিত ছিল
 নিবারিয়ে তাহা শাস্তি-শতদল যেই জাতি ফুটাইল,
 শ্রাবণ-নীরদ-বর্ষণ মত, ফেলিল দেহের উষ্ম শোণিত,
 শত যোদ্ধার পথ বহি আসি করে'নিক কাল-বাজ
 সেই নরপতি ডাকিতেছে আজি সাজিতে সমর-সাজ ।